

Dragi prijatelji/ce,

Pred vama se nalazi **julsko** izdanje mjesečnog informativnog biltena Omladinskog resursnog centra (ORC) Tuzla i Omladinske mreže Bosne i Hercegovine koja za sada broji **179** organizacija i **113** pojedinaca iz **75** mjesta BiH.

Bilten izlazi na bosanskom-srpskom-hrvatskom i engleskom jeziku. U njemu se nalaze informacije o aktivnostima Omladinskog resursnog centra (ORC) Tuzla, te Omladinske mreže Bosne i Hercegovine, informacije o mjesečnim aktivnostima omladinskih organizacija i grupa - članica ove mreže, njihovi planovi za naredni period, te ostale korisne informacije (donatori, pozivi na konferencije i seminare, školarine stipendije i sl.).



Ukoliko želite da budete na mailing listi za naredna izdanja mjesečnog informativnog biltena ili ako imate pitanja ili sugestije, javite nam se. Mjesečni informativni bilten, kao i arhivu dosadašnjih izdanja možete naći i na web stranici Omladinske mreže Bosne i Hercegovine:

<http://www.omladina-bih.net>

Uživajte u čitanju!

SADRŽAJ

Aktivnosti u julu 2015.	2
Planovi za avgust 2015.	4
Aktivnosti dijela članica mreže	5
Informacije / donatori / pozivi	12

AKTIVNOSTI ORC/ hCa U JULU 2015.

❖ PREKOGRANIČNA GRAĐANSKA MREŽA ZA MIR, POMIRENJE I SIGURNOST LJUDI NA BALKANU



U sklopu projektnih aktivnosti u ovom regionalnom partnerskom projektu, Omladinski resursni centar (ORC) Tuzla nastavlja sa aktivnostima na istraživanju „Aspekt ljudske sigurnosti mladih koji žive u kolektivnim centrima, ili „alternativnim smještajima“ u BiH. Tokom jula posvetili smo se desk istraživanju, te pripremama za terensko istraživanje (fokus grupe i intervjui u kolektivnim centrima).

Kroz aktivnosti istraživanja fokusiramo se na dva glavna pitanja:

- Sa kojim opasnostima/problemima koji se tiču ljudske sigurnosti se susreću mladi u kolektivnim centrima ili alternativnim smještajima u BiH? i
- Koje su to opasnosti i poteškoće sa kojima se mladi susreću nakon odlaska iz kolektivnih centara i alternativnih smještaja.

Planirano je da tokom istraživanja održimo 10 fokus grupa i 18 intervjua. Više o ovim aktivnostima možete pročitati u našim sljedećim biltenima, kao i na:

www.omladina-bih.net

Projekat „Prekogranične građanske mreže za mir, pomirenje i sigurnost ljudi na Balkanu“ implementira Helsinški parlament građana Turska, zajedno sa partnerima: ADP ZID Crna Gora, SeConS Srbija, Institut za regionalne i internacionalne studije Bugarska, Centar za istraživanje, dokumentaciju i publikovanje Priština Kosovo, Omladinski resursni centar Tuzla. Projekat je podržan od Evropske Unije.

❖ OMLADINSKI DOGAĐAJA „YET“ U TUZLI

U okviru ovih aktivnosti ORC Tuzla je radio na selekciji kandidata za volontere tokom održavanja „YET“ konferencije. Do sada ukupno imamo prijavljeno trideset i jednog volontera, sa kojima ćemo održati pripremni sastanak početkom avgusta. Više informacija i način kako da se prijavite možete pronaći ovdje: <http://www.mreza-mira.net/19576-dogadaj-za-mlade-2015-u-tuzli/>

❖ ONLINE AKTIVNOST: TRAŽIMPOS AO.BA

Naša Facebook grupa „Tražim posao.ba“ trenutno broji preko 2.600 članova s tim da se taj broj svakodnevno uvećava, a zanimljivo je i to da imamo već preko 5.000 objava. Posjedujemo informacije da su neki od članova aplicirali na oglase i dobili posao.

Da podsjetimo: Facebook grupa „Tražim posao.ba“, osnovana 10. juna 2015. godine na inicijativu Omladinskog resursnog centra Tuzla i Omladinske grupe Omladinskog resursnog centra sa ciljem promovisanja kompetencija svih osoba koje su u potrazi za poslom i omogućavanje pronalaska odgovarajućih poslova u Bosni i Hercegovini i inozemstvu.



**uposlite.
me**

U planu nam je da u narednom periodu otvorimo i web stranicu sa istim sadržajem. Grupu možete pronaći na sljedećoj poveznici:

<https://www.facebook.com/groups/695762113862117/?fref=ts>

Juli je takođe i mjesec koji je iskorišten kako bi se ekipa ORC-a Tuzla odmorila i prikupila snage za nastavak naših aktivnosti. Osim odmora, uspjeli smo i okrečiti prostorije i udahnuti im malo – jako potrebne – svježine.

❖ REDOVNE AKTIVNOSTI ORC-A

Tokom jula smo u sklopu naših redovnih aktivnosti radili na održavanju i razvoju komunikacija i koordinacije unutar Omladinske mreže Bosne i Hercegovine (www.omladina-bih.net). U okviru toga smo svakodnevno na mejling listu mreže (posta@omladina-bih.net), ali i na druge adrese u Bosni i Hercegovini i regiji distribuirali informacije interesantne za mlade i omladinski aktivizam u BiH (pozivi na radionice, seminare, konferencije, pozivi za projektne aplikacije, poslovi, školarine, ostale aktivnosti), održavali i redovno dopunjavali informacije na našoj web stranici www.omladina-bih.net, slali informacije koje smo dobili od omladinskih organizacija i pojedinaca iz mreže prema vani (međunarodnim organizacijama, organizacijama u regionu, donatorima), vršili korespondenciju sa organizacijama i pojedincima zainteresovanim za rad mreže, odgovarali na upite vezane za određene aktivnosti, edukacije i ostale informacije vezane za aktivizam mladih u BiH.



❖ OMLADINSKA GRUPA ORC TUZLA

Kao i svake godine, mjesec juli u Omladinskom resursnom centru je mjesec odmora od napornog rada tokom prethodnih mjeseci. Također, vrijedni članovi naše Omladinske grupe tokom mjeseca jula odmaraju od školskih, fakultetskih i aktivističkih obaveza.

Neki od članova ovaj mjesec su posvetili godišnjim odmorima, proveli vrijeme sa svojim najmilijima, a neki su proveli na seminarima i treninzima usavršavajući svoje kompetencije.

► MOST PRIJATELJSTVA

Seminar „Most prijateljstva“ okupio je 20 mladih iz Srbije, Hrvatske i Bosne i Hercegovine na Vlasinskom jezeru u blizini Bujanovca (Srbija). Seminar je održan od 16. do 23. jula, a obrađivane su teme poput omladinskog aktivizma i volontiranja.

Mladi su imali priliku da tokom vannastavnih aktivnosti upoznaju bolje svoje vršnjake iz drugih sredina.

Predstavnik naše Omladinske grupe bio je **Nedim Osmanović**.



► COOKING FOR INCLUSION



U gradiću Keszckemet, Mađarska, održana je omladinska razmjena koja je okupila 35 mladih iz Italije, Francuske, Španije, Bugarske, Mađarske, Njemačke, Austrije i Bosne i Hercegovine.

Tema omladinske razmjene bila je upoznavanje mladih sa različitim kulinarskim kulturama u Evropi. Pored ove teme, posebna pažnja je bila posvećena i međukulturalnom dijalogu između mladih.

Naša partnerska organizacija PRONI - Centar Brčko za omladinski razvoj bila je partner na ovom projektu.

Predstavnica Omladinske grupe bila je **Zada Bešić**.

► PLANIRANE AKTIVNOSTI ZA AVGUST:

U toku mjeseca avgusta planirano je održavanje turnira u odbojci na Panonskim jezerima u okviru projekta „**Živi zdrav život vol. 2**“.

Krajem avgusta očekuje nas i meega događaj- Youth event Tuzla 2015. Članovi naše Omladinske grupe, zajedno sa aktivistima partnerske organizacije IPAK - Mladost gradi budućnost, biće volonteri i pobrinuti se da 150 gostiju iz 8 zemalja na najbolji način upoznaju naš grad i ispune svoja očekivanja za Youth event Tuzla 2015.

PLANOVI HCA/ORC-A ZA AVGUST 2015.

- Sprovođenje redovnih aktivnosti kroz Omladinsku mrežu BiH;
- Nastavak aktivnosti u okviru Prekogračnične građanske mreže za mir, pomirenje i sigurnost ljudi na Balkanu, učešće u organizaciji ljetne škole u Prištini, Kosovo, nastavak rada na istraživanju – organizovanje sastanka sa stejkholderima;
- Početak aktivnosti u okviru koraka 7 (STEP 7) ALF BiH – planiran godišnji sastanak članica ALF BiH.

Više informacija na našoj web stranici: www.omladina-bih.net

AKTIVNOSTI ČLANICA OMLADINSKE MREŽE BIH



OMLADINSKA ORGANIZACIJA "SVITAC"

Jusufa Čampare bb, 76 100 Brčko Distrikt

Tel./Fax: 049 211 032

Email: svitac@teol.net

Web: www.svitac.org

FB: www.facebook.com/omladinska.svitac

❖ KREATIVNE RADIONICE

Omladinska organizacija Svitac je u julu nastavila sa svakodnevnim aktivnostima. Učesnici su podijeljeni na dvije grupe, uzrast 4-7 godina svakim danom od 11:00-13:00, a uzrast 8+ od 14:00-15:30 časova. Kako je nastupilo ljeto, grupa mališana od 4-7 godina intenzivno radi na kolažima more i podmorski svijet sa ribicama, morskim zvijezdama i morskim sirenama.

Grupa je, takođe pravila japanke od papira sa sjajnim ukrasima, figure od tijesta, origami životinje i razne crteže koristeći vodene boje. Ovaj mjesec cilj radionica je bio da mališani razviju maštu i da koristeći razne materijale izraze svoju kreativnost. U julu je 25 učesnika pohađalo kreativne radionice.



Poslepodnevna grupa (uzrast 8+) je ovaj mjesec pravila muzičke instrumente (gitare) od kartona i materijala za reciklažu. Učesnici su osmislili nove timske igre i pravila za njih, voće od kartona i kolaž papira. Grupa je i ovaj mjesec radila kroz igru na osnovama gramatike engleskog i njemačkog jezika.

Radionice se održavaju Omladinskom centru Brčko Distrikt.

Koordinator radionica je Sanja Radovanović uz asistenciju Weltwaerts i EVS međunarodnih volontera Tamare Wonner i Nicolasa Zduna iz Njemačke, Johna Streatfileda, Isembarda Rynera, Kate Roberts, Sarah El-Taki i Catrione O' Sullivan iz Velike Britanije. Broj učesnika trenutno varira između 25 i 30.

❖ RADIONICA „FUN DAY “(DAN ZABAVE)



Radionice su ponovo pokrenute početkom juna jer su učesnici konačno na ljetnom raspustu. Aktivnosti se održavaju srijedom i petkom u terminu od 10:30-12:00 u Omladinskom centru Brčko distrikta.

Namijenjene su za mlađi uzrast (8-12 godina), sa ciljem da se učesnici zabave i druže uz razne interaktivne igre tokom ljeta.

Trenutno ima 15 učesnika. Koordinatorovi ovih radionica su međunarodni EVS (Evropski volonterski servis) volonteri Kate Roberts i Sarah El-Taki.

❖ MUZIČKE RADIONICE

▶ RADIONICE GITARE

Učesnici radionice gitare nastavili su rad na etidama, minijaturama i duetima izabranim za njih u skladu sa njihovim mogućnostima i poznavanjem instrumenta. Većinom se radi o etidama iz perioda renesanse, baroka, klasike i romantizma ali i etidama modernijeg karaktera.

▶ RADIONICE SAMBE

Učesnici radionice ovaj mjesec su osim sviranja kompozicija radili na uvježbavanju teme iz filma James Bond na „Boomwhackersima“.



Ovo je ujedno poslužilo i kao priprema za ljetni muzički kamp na Trebeviću od 8. do 15. jula 2015. na kom je učestvovalo 10 volontera (6 internacionalnih i 4 lokalnih) i 15 učesnika (mlađi sa područja Brčko distrikta u dobi između 14 i 20 godina).

Muzičke radionice za djecu od 7-12 se održavaju srijedom u Omladinskom centru. U julu djeca su se upoznavala sa raznim muzičkim žanrovima.

▶ ALTERNATIVNI HOR

Sredinom juna sa radom je počeo alternativni hor. Ovu aktivnost koordinira EVS volonter Isambard Reyner. Broj učesnika još nije stalan, no oni koji su posjećivali radionicu imali su priliku da se upoznaju sa neuobičajenim aranžmanima popularnih punk i rock pjesama.

❖ RADIONICA ENGLESKOG JEZIKA „I LOVE ENGLISH“

Učesnici su i u julu nastavili sa diskusijama i pro/kontra argumentacijama na 3 teme (muzika, film, sport) koje bi odredio koordinator, te bi na taj način vježbali izgovor i neformalnu konverzaciju. Koordinator radionica je EVS međunarodni volonter iz Velike Britanije, John Streatfield. Radionice se održavaju ponedjeljkom i srijedom u terminu od 19:00-20:00 h u Omladinskom centru Brčko distrikt. Trenutno ima 6 učesnika, uzrasta 15+.

❖ ŠTA IMA?! (SPRECHEN-THEMEN- ARGUMENTIEREN) - RADIONICE NJEMAČKOG JEZIKA

Interaktivne radionice njemačkog jezika su i dalje rado posjećene i veoma dobro isplanirane. Za one koji zaista žele nešto da nauče ova aktivnost je od velike koristi. Na radionicama trenutno ima 6 učesnika, uzrasta 18+. Radionice se održavaju u Omladinskom centru, ponedjeljkom i srijedom od 20:00-21:00 časova. Koordinator radionica su međunarodni volonteri iz Njemačke Nicolas Zdun i Tamara Wonner. Tamara Wonner i Nicolas Zdun su učestvovali na eventu „Stammtisch“, kojeg je organizovao Glossa – centar za njemački jezik u Tuzli. Mladi ljudi su imali priliku da razgovaraju sa izvornim govornicima njemačkog jezika, te na taj način prošire svoj vokabular i usavrše postojeća znanja njemačkog jezika.



❖ SPORTSKE RADIONICE

Sportske radionice za djecu mlađeg uzrasta su u julu nastavljene jednom sedmično, svakog četvrtka od 14:00 do 15:30 časova. Broj učesnika varira od 8-15 uzrasta 8+. Radionice su podijeljene na tri dijela. U prvom dijelu se rade vježbe zagrijavanja, u drugom vježbe za motoriku sa loptom, a treći dio je najzanimljiviji jer se rade timske igre sa loptom, fudbal, između dvije vatre itd. Sportske radionice za odrasle uključuju *Freeletics* vježbe za održavanje kondicije i jačanja fizičkih sposobnosti. Radionice za odrasle se održavaju utorkom i četvrtkom u Omladinskom centru od 21:00-22:00 časova. Trenutno ima 5 učesnika. Koordinator sportskih radionica je Nicolas Zdun, međunarodni EVS volonter iz Njemačke.

❖ MUZIČKI KAMP 2015

Muzički kamp Omladinske organizacije Svitac održao se na Trebeviću od 08. 07. - 15. 07. 2015. Učesnici su prisustvovali serijama muzičkih, kreativnih i sportskih radionica, koje su se održavale svakodnevno u prirodi, te su uz zabavu igru i druženje razvijali kognitivne, socijalne motoričke i ritmičke vještine uz pomoć muzičkih instrumenta boomwackers-a. Na kreativnim radionicama učesnici su radili sa materijalima iz neposredne okoline i prirode, a na sportskim aktivnostima imali priliku za rekreaciju. Ukupan broj učesnika na kampu: 25.



Za avgust se planira nastavak svih redovnih radionica Omladinske organizacije Svitac i realizacija projekata Ljetni kamp u Grčkoj i Ljetni kampovi 2015 u Brčko distriktu.



ERNADA AVDIBEGOVIĆ, član Omladinske mreže, pojedinac
VIJEĆE MLADIH OPĆINE KLADANJ
 E-mail: erna_begovic20@yahoo.com

❖ **USPJESI: NO HATE - LOKALNI TIM KLADANJ**

Još od osnivanja „NO HATE - LOKALNI TIM KLADANJ“ u mjesecu novembru 2014. - ova grupa mladih je organizirala različite aktivnosti u svojoj zajednici koje se odnose na edukaciju, medijske nastupe, te podjelu određenog informativnog materijala o borbi protiv govora mržnje.

Liderica lokalnog tima, Ernada Avdibegović je prisustvovala konferenciji „*I virtuelno je realno*“, koja se održavala na Jahorini 23 i 24. jula. Na konferenciji se govorilo o borbi protiv govora mržnje u on-line prostoru.

No Hate - lokalni tim Kladanj je na sastanku krajem jula dogovorio nove aktivnosti koje ćemo predstaviti mladima u našoj zajednici.



Ono što je posebno pozitivno je da na polugodišnjoj proslavi volontera u junu u Ambasadi SAD-a u Sarajevu „NO HATE LOKALNI TIM KLADANJ“ je dobio priznanje za svoj angažman u lokalnoj zajednici. Sve mlade ljude pozivamo da nas podrže lajkom na fb stranicu:

<https://www.facebook.com/pages/No-Hate-Lokalni-Tim-Kladanj/860563687307336>

❖ **LIKOVNA KOLONIJA**

U organizaciji BZK Preporod Kladanj dana 25. jula je otvorena još jedna višednevna likovna kolonija u prelijepom ambijentu kladanjskog izletišta „Bebrava“. Brojni umjetnici iz različitih krajeva naše zemlje su podijelili svoje trenutke inspiracije i prenijeli ih na papir u prelijepom ambijentu prirodne baštine našeg kraja.

❖ **KONCERT OZBILJNE MUZIKE**



Dana 03. 6. 2015. mladi umjetnici iz Osnovne muzičke škole u Kladnju su organizirali svoj prvi koncert ozbiljne muzike u Domu kulture Kladanj.

Polaznici Osnovne muzičke škole Kladanj izveli su u solo izvedbi klasična djela ozbiljne muzike, a posebno zapažen nastup je imala desetogodišnja Lamija Buševac koja je ujedno osvojila i II mjesto u klasi za mlađe učesnike na takmičenju: *Slobomir international competition 2015.* u Bjeljini pod vodstvom prof. Nedžada Glavnića.



www.pronibrcko.ba

PRONI CENTAR ZA OMLADINSKI RAZVOJ

Mehmedagića 24, 76 100 Brčko distrikt BiH

Tel./Fax: 00 387 49 217 695

E-mail: pronibrcko@teol.net

www.pronibrcko.ba

❖ ART CROSSING BORDERS - UMJETNOST! NE GRANICE

PRONI Centar za omladinski razvoj i Udruženje „COSMO“ u prevazilaženju - granica među mladima BiH i Srbije, predrasuda između dvije zemlje, generacijskog jaza prema mladima koji se bave uličnom umjetnošću, uz davanje podsticaja mladima za preuzimanje lokalnih inicijativa u korist društva i zajednice.

Projekat će pored prve akcije u Subotici imati *grafiti akciju* u Brčkom i Bijeljini, te prikazati na koji način se mladi izražavaju grafitima i zašto. Posebnu pažnju ćemo obratiti na legalno crtanje grafita u svim sredinama.

Projekt finansijski podržava **Schuler Helfen Leben BiH** kroz program prekograničnih projekata za malde iz Srbije i BiH. Hvala ide i Audrey, koja je iz Belgije inspirirana našim projektom počela snimati film upravo o grafiti umjetnicima i mladima u Brčkom.



❖ PRONI VOLONTERI POSTAJU MEĐUNARODNI TRENERI

PRONI Centar je imao svog predstavnika na treningu za trenere pod nazivom „Inclusion LAB II“ održanog u Milcoveni, Rumunija. Ovaj trening je druga po redu aktivnost u okviru projekta „Inclusion Express“ koji je finansijski podržan od strane *Council of Europe* kroz *European Youth Foundation*.

Trening je okupio 25 učesnika iz 18 različitih država, a imao za cilj obučiti omladinske radnike kako da organizuju aktivnosti vezane za socijalnu inkluziju mladih kao i o pristupu socijalnim pravima u njihovim lokalnim zajednicama. Ideja treninga je doprinijeti razvoju učesnika kao trenera / fascilitatora, kao uložiti kroz koju će djelovati kada se vrate kući. Trening je nastavak projekta „Mind the Gap“ održanog u aprilu u Brčko distriktu BiH.



PRONI je jedina članica *Youth Express Network* iz Bosne i Hercegovine. Aktivni smo član mreže od 2009., a u posljednje 2 godine smo i u rukovodstvu mreže. *Youth Express Network* je međunarodna mreža sa sjedištem u Strasbourgu. To je mreža omladinskih radnika, socijalnih radnika i organizacija mladih ljudi iz cijele Europe uspostavljena 1993. *Youth Express Network* koristi metode neformalnog obrazovanja poput tehnike teatra potlačenih, rad s mladima na otvorenom, umjetnost u radu s mladima i mobilne seminare. Na ovaj način PRONI je osnažen novim trenerom na polju socijalne inkluzije mladih čime smo još jednom pokazali svoju dosljednost u sprovedbi misije naše organizacije.

❖ PROVEDI LJETO DRUGAČIJE! POZIV MLADIMA NA OMLADINSKU RAZMJENU

„Don't dream it - be it“ zajednički je projekt mladih iz Hrvatske, Srbije i Bosne i Hercegovine. Rezultat je prošlogodišnje uspješne razmjene mladih iz ovih triju zemalja pod nazivom *Connect*, tijekom koje je uspostavljena kvalitetna suradnja Hrvatskog Crvenog križa - Gradskog društva Crvenog križa Županja s organizacijama YMCA Srbija iz Bačkog Petrovca, te PRONI iz Brčkog.



Mladi iz triju zemalja zajednički su osmislili temu i sadržaj razmjene, a s ciljem podizanja kvalitete života mladih, posebice mladih s manje mogućnosti. Želja nam je osnažiti mlade kako bi bolje raspolagali resursima u svojim zajednicama, te ih iskoristili za izgradnju vlastite budućnosti i kvalitetnijeg života, pružajući im mogućnost stjecanja dodatnih vještina i znanja na informalan, zabavan način.

Glavna tema projekta su zdravi stilovi života mladih. Osnovni cilj projekta je povećanje kvalitete života mladih, posebice mladih s manje mogućnosti.

Specifični ciljevi projekta su:

1. stjecanje vještina i znanja u području zdravih stilova života (prehrana, tjelovježba, odgovorno spolno ponašanje, nenasilna komunikacija),
2. doprinos u razvoju odgovornosti mladih prema zdravlju,
3. doprinos u razvoju prosocijalnih stavova i vrijednosti u mladima, samopoštovanja i samopouzdanja
4. osvještavanje problema ovisnosti kod mladih,
5. međukulturalno učenje i širenje socijalne mreže i mreže međusobne potpore među mladima.

Osnaživanjem mladih za usvajanje zdravih stilova života doprinosi se povećanju kvalitete njihova života. Usvajanjem znanja i vještina o zdravlju, prevenciji ovisnosti, reproduktivnom zdravlju, kvalitetnom provođenju slobodnog vremena, nenasilnoj komunikaciji, volontiranju kao važnom odabiru za mentalno zdravlje, sudionici postaju kompetentniji, sposobniji i spremniji živjeti zdravije i kvalitetnije, ali i potaknuti ljude oko sebe da urade isto.

Kroz neformalnu i informalnu edukaciju mladi imaju priliku učiti na zanimljiv, kreativan i moderan pristup obogaćen brojnim primjerima te vlastitim iskustvom, čime jačaju svoje životne vještine poput donošenja odluka, rješavanja problema, kritičkog razmišljanja i komunikacijskih vještina. Želimo mladima proširiti njihove vidike, pružiti im mogućnost stjecanja novih iskustava i vještina, te ih povezati s drugim mladima, kako bi si izgradili mrežu društvene potpore i bili jedni drugima oslonac.

Vjerujemo kako će im sudjelovanje u projektu uvelike pomoći u razvijanju zdravih stilova života, tolerancije prema različitostima, potaknuti učenje o drugim kulturama. Vjerujemo da je jedan od najboljih načina za društveno uključivanje, osnaživanje osjećaja zadovoljstva sobom i korisnosti, te stjecanje važnih vještina upravo volontiranje, koje želimo potaknuti u projektu, a koje ćemo

promicati u našim zajednicama i nakon što projekt završi. U ovom projektu radit ćemo na promicanju pozitivnog i poticajnog volonterskog okruženja, kao i na jačanju svijesti o vrijednosti i važnosti volonterskog rada, kao jedne od vrijednosti Europske Unije.

U projektu će sudjelovati ukupno 30 mladih sudionika (plus 6 voditelja) i to: 10 iz Hrvatske + 2 voditelja, 10 iz Srbije + 2 voditelja i 10 iz Bosne i Hercegovine + 2 voditelja. Svi sudionici u projektu će biti punoljetne mlade osobe u dobi od 18 do 29 godina.

❖ PRONI PREDSTAVLJAO BOSNU I HERCEGOVINU NA SASTANKU MLADIH U VIJEĆU EUROPE ENTER 2015

Od 30.6. do 3.7.2015. Europski centar za mlade Vijeća Europe u Strasbourgu ponudio je mladim ljudima, posebno onima koje su iskusili diskriminaciju, isključivanje i nasilje u svom okruženju, mogućnost da se njihov glas čuje i da daju rješenja za poboljšanje njihovog pristupa socijalnim pravima.

Među 180 mladih ljudi, omladinskih radnika/ca i predstavnika/ca lokalne i regionalne vlasti iz cijele Europe i predstavnici PRONI Centra su sudjelovali u ovogodišnjem ENTER sastanku. ENTER je projekt Vijeća Europe o pristupu mladih socijalnim pravima, čiji je cilj poduprijeti rad s mladima i politika i strategija za mlade kao jasnih odgovora na slučajeve isključenja, diskriminacije i nasilja sa kojima se mladi sreću u svojim zemljama.

Strateška uloga ovog susreta mladih i donosioca odluka iz cijele Europe je razgovor o preporukama ministara Vijeća Europe o pristupu mladih socijalnim pravima koje su usvojene u siječnju/januaru 2015.

Kroz susret je razgovarano koliko pojedine zemlje članice rade na promociji i provedbi ovih preporuka.

Ciljevi sastanka ENTER

- pružiti mladima priliku da se čuje njihov glas u Vijeću Europe
- upoznati učesnike/ce o primjerima dobre prakse u pružanju pristupa socijalnim pravima mladih
- pokazati omladinski rad i aktivizam kao alat za rad s mladima u ostvarivanju socijalnih prava
- razmotriti potrebe i mogućnosti provedbe preporuka ministara Vijeća Europe
- prikupiti informacije i prijedloge za dalji rad Vijeća Europe u polju rada s mladima u polju ostvarivanja socijalnih prava, samostalnosti i socijalne uključenosti mladih.
- PRONI Centar su predstavljali naša menadžerica omladinskog rada, koordinatorka podružnice Bijeljina i volonter iz Brčkog koji su prezentirali iskustvo i rad PRONI Centra u polju ostvarivanja socijalnih prava mladih u Bosni i Hercegovini.

Sastanak ENTER je istovremeno bio i prilika da se učesnici/ce upoznaju sa drugim realnostima, prilikama dobre prakse i razmjene ideje za dalji zajednički rad te upoznaju rad Vijeća Europe.



INFORMACIJE / DONATORI / POZIVI

1. Javna diplomacija, kulturni i obrazovni programi

Ambasada SAD u Sarajevu objavljuje poziv za male grantove koji podržavaju kulturu i obrazovne aktivnosti u BiH, a koji promoviraju zajedničko razumijevanje između građana u BiH i SAD. Grantovi su između 1.000 i 15.000 \$. Prijedlozi trebaju jasno pokazati kako će se unaprijediti razumjevanje kulture SAD i vrijednosti među građanima BiH.

Prijedlozi se trebaju podnijeti 3 do 6 mjeseci prije planiranih aktivnosti.

Za vaše informacije kontaktirajte nas putem e-maila: sarajevoOPAGrants@state.gov

Više na:

<http://www.mreza-mira.net/21528-public-diplomacy-cultural-and-educational-programs/#sthash.bGcNI9EO.dpuf>

2. Poziv za aplikacije: Robert Bosch Akteri urbanih promjena za 2015. – 2017. godinu

Program **Akteri urbanih promjena** je dizajniran da jača vještine učesnika i pruži im praktično iskustvo u polju međusektoralne saradnje i parcipativnog urbanog razvoja. Program se odnosi na učesnike iz oblasti kulture, javne administracije i privatnog sektora koji apliciraju sa zajedničkim draft projektom, koji se bavi određenim aspektom urbanog razvoja ili lokalnog razvoja u njihovim sredinama kroz kulturne aktivnosti (društvena inkluzija, učešće, kulturna različitost).

Rok za podnošenje projekata: **13. 9. 2015.**

Program nudi

- Na lokalnom nivou:
 - Projekti do 5.000 Eura.
- Na međunarodnom nivou:
 - Radionice i predavanja od strane međunarodnih eksperata;
 - Edukativne sesije moderirane od strane međunarodnih eksperata;
 - Nadoknada troškova za sve putne i troškove smještaja za spomenute aktivnosti.

Podobne zemlje

Timovi iz svih 28 zemalja EU mogu aplicirati, kao i zemlje: Albanija, Island, Norveška, Andora, Kosovo, Ruska Federacija, Armenija, Lihtejnštajn, San Marino, Azerbejdžan, Makedonija, Srbija, Bjelorusija, Moldavija, Švicarska, BiH, Monako, Turska, Gruzija, Crna Gora i Ukrajina.

Kako aplicirati? - Za više informacija posjetite ovaj [link](#).

Više informacija na:

<http://www.mreza-mira.net/21840-call-for-applications-robert-bosch-actors-of-urban-change-2015-2017/#sthash.6b7F7YcN.dpuf>

3. Evropska Omladinska Fondacija – Grantovi za međunarodne omladinske aktivnosti

Otvoreno za: lokalne, nacionalne i međunarodne nevladine organizacije fokusirane na omladinskom radu sa Vijećem Evrope i zemljama članicama.

Grant: različiti grantovi do 50.000 Eura

Evropska fondacija za mlade (EYF) je fond osnovan od strane Vijeća Evrope da pruži finansijsku podršku za evropske aktivnosti mladih. Ima za cilj da podrži i unaprijedi saradnju među mladima u Evropi putem pružanja finansijske podrške omladinskim aktivnostima. To se odnosi na aktivnosti koje služe promociji mira, razumijevanja i saradnje u duhu poštovanja ljudskih prava, demokratije, tolerancije i solidarnosti.

EYF daje finansijsku podršku sljedećim vrstama aktivnosti koje provode omladinske nevladine organizacije ili mreže, ili druge nevladine organizacije uključene u oblasti rada sa mladima od značaja za politiku Vijeća mladih i rad u Evropi:

- obrazovne, socijalne, kulturne i humanitarne aktivnosti evropskog karaktera;
- aktivnosti u cilju jačanja mira i saradnje u Evropi;
- aktivnosti osmišljene da promovišu bližu saradnju i bolje razumijevanje među mladim ljudima u Evropi, posebno kroz razvijanje razmjene informacija;
- aktivnosti čiji je cilj podsticanje uzajamne pomoći u Evropi i zemljama u razvoju za kulturne, obrazovne i društvene namjene;
- studije, istraživanja i dokumentacija o pitanjima mladih.

EYF pruža mogućnost nevladinim organizacijama da apliciraju za pet različitih tipova granta:

1. **Međunarodna aktivnost** – sastanci mladih ljudi sa omladinskim liderima u Evropi kako bi se promovisalo učešće i interkulturalno učenje. EYF pokriva do dvije trećine ukupnih troškova. Visina granta je do 20.000 Eura
2. **Godišnji radni plan** – uključuje niz aktivnosti za sljedeću godinu, međunarodne aktivnosti, pilot aktivnosti kao i publikacije. Ove aktivnosti treba da budu dio podrške vašoj organizaciji u sklopu strateškog plana za sljedeće godine. Visina granta je do 50.000 eura.
3. **Strukturalni grant** – EYF može na godišnjoj osnovi dodijeliti međunarodnoj nevladinoj omladinskoj organizaciji ili mreži grant radi pokrivanja dijela ukupnih administrativnih troškova a radi implementacije aktivnosti na Evropskom nivou. Visina granta je 25.000 eura.
4. **Jednokratni strukturalni grant** – Fondacija može dodijeliti grant regionalnim mrežama kako bi im pomogla u uspostavljanju Evropske strukture. Iznos granta je 10.000 eura
5. **Pilot aktivnosti** – Predstavlja intervenciju kako bi se ukazalo na određeni društveni izazov povezan sa lokalnim kontekstom zajednice u kojoj se odvija. Iznos granta je 10.000 eura.

Rok za podnošenje aplikacija je 01.10.2015. za strukturalne grantove za 2016. – 2017. godinu.
(međunarodni NVO i mreže)

Ne postoje rokovi za pilot projekte, koji se mogu aplicirati najkasnije tri mjeseca prije početka aktivnosti. Za sva dodatna pitanja kontaktirajte nas na e-mail:

eyf@coe.int ili putem telefona +33 (0)3 88 41 20 19.

Više na:

<http://www.mladiinfo.eu/2014/02/11/european-youth-foundation-grants-for-international-youth-activities/#ixzz3gqkFv6pQ>

4. Grant za međunarodne izvođače:

profesionalni plesači, koreografi, glumci, savremeni cirkus umjetnici, multidisciplinarni umjetnici

Grant pokriva smještaj i hranu tokom učešća na međunarodnom umjetničkom kampu izvođača koji će se održati u Toskani, Italija, od **26.10. do 31.10.2015.** godine.

Međunarodni kamp izvođača je rezidentni kamp za umjetnike izvođače iz različitih zemalja a koji rade u različitim tehnikama, žanrovima i umjetničkim stilovima. Program je otvoren za izvođače sa profesionalnim iskustvom kao i multidisciplinarne umjetnike, zainteresovane za praktično istraživanje savremenih praksi sa kolegama iz cijeloga svijeta.

Aplikacije se odabiru na osnovu iskustva kandidata, prethodnih dostignuća, iskustvu i kvalifikacijama. Prioritet se daje kandidatima koji su u mogućnosti pokazati svoj potencijal u profesionalnom razvoju i jasnu motivaciju da učestvuju u savremenim izvođačkim procesima na međunarodnom nivou. Broj grantova je ograničen.

Za više detalja posjetite: <http://www.artuniverse.org/grants>

Dragi prijatelji,

Ukoliko ste zainteresovani da se u mjesečnom informativnom biltenu Omladinskog resursnog centra (ORC) Tuzla i Omladinske mreže Bosne i Hercegovine objave: vaši pozivi za zajedničke aktivnosti i saradnju, informacije o aktivnosti, konkursi za radna mjesta, apeli za pomoć ili podršku, saopštenja za javnost i svi drugi nekomercijalni oglasi, možete se javiti na jednu od dole navedenih adresa.

Rok za dostavljanje informacija za svako naredno izdanje je 30.-ti u mjesecu.

WEB Stranica Mreže:

sCh design

Webmaster:

Emir Delalić-Zeko -
Tuzla

emir.delalic@gmail.com

web: www.omladina-bih.net

mejling lista Mreže:

posta@omladina-bih.net

Adrese za slanje vaših informacija za mjesečni bilten:

hcatuzla@bih.net.ba; orctuzla@bih.net.ba

fax: 035 258 077

Omladinski resursni centar Tuzla

Hadži Bakirbega Tuzlića 1,
75000 Tuzla

tel / fax: 035 258 077

e-mail: orctuzla@bih.net.ba

hcatuzla@bih.net.ba

Mjesečni bilten uređuje Omladinski resursni centar - ORC Tuzla